

光緒丙午秋月

出使九國日記

南海戴鴻慈著

光緒三十二年十二月二十日發行


定價大洋一圓四角

著 者 南 海 戴 鴻 慈

總 發 行 所 第 一 書 局

北京琉璃廠電話南分局七十八號

分 售 所 上 海 各 大 書 莊



印 刷 所 農工商部工藝局印刷科

北京宣武門外電話南分局十二號

諭旨

光緒三十一年六月十四日奉

上諭方今時局艱難百端待理朝廷屢下明詔力圖變法銳意振興數年以來規模雖具而實效未彰總由承辦人員向無講求未能洞達原委似此因循敷衍何由起衰弱而救顛危茲特簡戴澤戴鴻慈徐世昌端方等隨帶人員分赴東西洋各國考求一切政治以期擇善而從嗣後再行選派分班前往其各隨事諷詢悉心體察用備甄採毋負委任所有各員經費如何撥給著外務部議奏欽此

六月二十五日准軍機處片交面奉

諭旨著派商部右丞紹英隨同出洋考察各國政治欽此

八月二十六日奉

上諭載澤等二十六日乘火車出京正擬開行陡聞煥震之聲查係炸彈猝發

載澤紹英均受微傷除車旁傷斃三人其餘隨員僕從亦有受傷車內烘斃一人驗有炸彈毀裂痕跡等語並據那桐具奏前來光天化日之下竟有匪徒如此橫行實屬目無法紀著責成步軍統領衙門順天府工巡局督辦鐵路大臣確切查拿澈底根究從重懲辦以儆凶頑所有外城工巡局委員及南營參將鐵路車站委員疏於防範一併查明職名交部議處餘著照所議辦理欽此

九月二十八日奉

上諭著派尙其亨李盛鐸會同載澤戴鴻慈端方前往各國考察政治欽此

十月二十九日奉

上諭前經特簡載澤等出洋考察各國政治著卽派政務處王大臣設立考察政治館延攬通才悉心研究擇各國政治之與中國政體相宜者斟酌損益纂訂成書隨時進呈候旨裁定所有開館一切事宜著該王大臣妥議具奏

欽此

出使九國日記
論旨

三

序

立於地圖之上華離剖析分合錯峙而名之曰國國不能以虛名寄也則必有與之而並立者矣政事也風俗也言語也文物也宗教也人種也永永存在不可磨滅如是者然後得謂之國是故有國者務保持而張大之其猶未也又從而師諸其鄰外交之官擅覘國之才游學之士讀四裔之書心摹力追以補其所不逮凡夫政教藝術之同異得失靡不取而紬譯之比較之斟酌而選別之萃羣族之所長擇己國之所適文明輸入而不害於國粹之保存所以得也吾國自海通以來持節使歐美者不絕於道然大抵專任聘問事竣卽返則無以爲紬繹矣局處一邦勢難周歷則無以爲比較矣私人交際馮軾遊觀非奉朝旨令大設備以供吾之採擇則無以爲斟酌選別矣

朝廷知其如此謂非

特簡親貴大臣徧歷東西諸國考察政治歸以爲通變宜民之地不足以齊瞻

聽而作新機也乙巳六月鴻慈遂同受出使五國之

命自東徂西圓行一周以八月之內歷十五國之地行十二萬里之程亞美歐非四洲之風土大東大西太平洋三洋之航路蹤跡所之城市譟動誦詩聞政周爰彼都四國之事燦然備已於時編譯所及雜徵文獻紀錄之外籌所以補其遺闕非遊記莫由也乃重次日行所記凡十二卷又從而序之曰今之學者驚歎於西方之文明而欲棄吾國所有以從之也足未出國門取其書伏而誦之逆臆而闇解則以爲西國之政俗如是如是耳貪者又從而崇拜之詬罵之幾以爲定案不可易矣乃往往入其國察其政治考其風俗與其士大夫上下其議論而情實有甚相遠者嗟夫信書之蔽邪譯人之誤邪傳聞之失實邪倘所謂百聞不如一見者邪曩所爲崇拜之詬罵之逆臆而闇解之者皆影響之談而於西國政俗之真相何當焉自其真相而觀之則國各有其政教風俗與國俱立不可磨滅者而非身親而目擊者不知也譬如民權學者之所倡言也我

觀西國其重視主權也良至凡百職司權必歸一而下此服從焉未有以分權而能治者也共和之政治學者夢想之所托焉耳殆非我中土之所能有也美爲民主之國而選舉之法弊亦隨之所見或不逮所聞而況於人格之不美若乎此民權之真相也又如自繇自繇云者人人於其權利範圍之中得以爲所欲爲不受壓制焉耳非夫放縱亡節之謂也我觀歐美之民無男婦老少其於一切社會之交際相待以信相接以禮守法律顧公德跬步皆制限焉自其表觀之至不自繇也此自繇之真相也又如平等西國之所謂平等者有之矣上自王公下逮庶民苟非奴隸皆有自主權其享受國民之權利維均一介之士雖執業微賤苟其學成專門皆足以抗顏宰相之前而無所慙蓋其執藝平等而非以爵位之貴賤論也此平等之真相也進而論之則今日文明諸國之政治皆吾國所固有也莫不有其真相焉不審其歷史之沿革施行之內容而顛而襲之則書院何以不學堂若保甲何以不警察若公局鄉約何以不市會若

乎哉故一切政治非躬至其地假之時日一一取而繙繹之比較之斟酌選別之則其精微末由見也鴻慈不敏承乏茲役媿無于顛出疆專對之能而有張儼磨鋒礪鏘之志惟時暑迫促所謂繙繹比較斟酌而選別之者誠未易言幸有午橋制府和衷共濟兼謀斷之長參隨諸賢昕夕襄助並一時之秀相與宣祖國之名譽窺列雄之真際或者其有裨乎顧又思之是行也東起扶桑西窮羅馬海外商民各國君相其所以期望吾國者至厚且遠則夫他日之讀吾游記者其將頹仰太平以茲行爲中國維新之一大紀念焉吾昧昧思之也

光緒三十二年六月既望

欽差出使各國考察政治大臣禮部尙書戴鴻慈序



北京德興堂印字局代印

照 合 條 頁



治政考察 (一第)



慈鴻戴書尙部禮臣大治政察考 (二第)




方端臣大治政察考 慈鴻戴臣大治政察考 (三第)




(美) 船煤下橋延普卜珠必 圖一第




(美) 院議上頓盛華 圖二第




第 三 圖 華 盛 頓 國 會 館 (美)



第 四 圖 費 城 獨 立 廳 內 宣 布 獨 立 文 書 押 處 (美)




第 五 圖 幹 尼 路 大 學 (美)



第 六 圖 紐 約 中 空 火 車 及 彼 得 苦 把 實 業 學 堂 (美)



(美) 橋大林洛伯約紐 圖七第



(英) 景風街佛斯惡新敦倫 圖八第